

四部叢刊

唐荅相曲江張先生文集

105

四部叢刊初編集部

曲江張先生文集

二十卷
附錄一卷

據商務印書館一九二六年版重印

四部叢刊初編（一〇五）

唐丞相曲江張先生文集

唐張九齡撰

上海書店印行

上海福州路四二四號

上海影印廠印刷

上海涵芬樓借印
海潘氏藏明成化九
年韶州刊本板高
造尺六寸四分至六
寸八分寬四寸四分

曲江集序



古今說者咸曰唐相張文獻公嶺南第一流人物也嗟乎公之人物豈但超出嶺南而已哉蓋自三代以至于唐人才之生盛在江北開元天寶以前南士未有以科第顯者而公首以道侔伊呂科進未有以詞翰顯者而公首掌制誥內供奉未有以相業顯者而公首相玄宗

公薨後四十餘年浙士始有陸敬輿閩士始有歐陽行周又二百四十餘年江西之士始有歐陽永叔王介甫諸人起於易代之後由是以觀公非但超出嶺南蓋江以南第一流人物也公之風度先知見重於玄宗氣節功業著在信史播揚於天下後世唐三百年賢相前稱房杜後稱姚宋胡明仲謂姚非宋比可

與宋齊名者公也由是以觀公又非但
超出江南乃有唐一代第一流人物也
然公聲名燁燁在人口耳非直以其相
業在當時且甚有文名史稱其七歲知
屬文張詠謂其為後出詞人之冠又與
徐堅評其文如輕縑素練實濟時用柳
宗元亦謂其能比興兼著述予生公
六百餘年之後慕公之為人童稚時嘗

世集序
得韶郡所刻金鑑錄讀之灼知其偽有
志求公全集刻梓以行世自來

京師游太學入官翰林每遇藏書家輒訪
求之竟不可得蓋餘二十年矣歲己丑
始得公曲江集於館閣群書中手自鈔
錄僅成帙聞先妣太宜人喪因携南歸
期免喪後自備梓刻之道韶適友人五
羊涂君暉倅郡偶語及之公守毘陵蘇

君諱同知莆田方君新謂公此集乃韶
之文獻請留刻郡齋嗟乎公之相業世
孰不知其文則不盡知也矧是集藏館
閣中舉世無由而見苟非為鄉後進者
表而出之天下後世安知其終不泯泯
也哉是以不揆愚陋僭書其首

成化九年龍集癸巳仲春初吉

翰林院侍

講學士瓊臺丘濬序

唐丞相曲江張先生文集卷之一

頌贊賦

龍池聖德頌并序

開元紀功德頌并序

聖應圖贊并序

開元正歷擇乾符頌并序

白羽扇賦并序及御批

荔枝賦并序

龍池聖德頌

臣聞昔者玄德升聞皇天眷命元聖有作上帝何言

必見意於休徵不忘象於幽贊惟茲降鑒若曰專精
道周萬物者其神充功濟生人者其祥大粵若古始
肇有君臣巢燧之前寂寞無紀書契而後煥炳可觀
若乃鬼神睢盱品彙紛錯性命未正吉凶不定而太
昊氏將通其德則河爲之出圖人食未粒鳥獸是茹
時不耕稼器無耒耜而神農氏將教其本則天爲之
雨粟蚩尤不道炎帝不制銅鐵鑄兵豺狼橫厲而軒
轅氏將禁其暴則天爲之降玄女洪水方割下人昏
墊堯德莫能弭其災舜功不能除其害而夏后氏將
底其績則洛爲之出書自茲以還殆三千歲矣其間

木火更王雲物告符有若狼銜鉤魚躍舟素靈哭黃
星見豈不以湯德有慙武善未盡漢道旣維魏方亦
偏唯以一至之應且爲興王之兆則未有錫真符聖
受明命遠與大禹相續超與上皇比崇如我國家之
盛者焉洪惟龍池蓋天之所以祚聖即今上下居之
舊真京師爽塏之所傍無寶澤中勿濫泉非常而靈
液涓流無幾而神池浸廣榮光休氣若煙若雲所未
嘗有則此之出清可以鑑而深不見底鱗介瑰詭於
物其中時莫知其所然日徒見其有異中宗採識者
之議壓王氣而來遊聖上處或躍之時出飛龍而合

應臨淄始封也邸第在焉上黨歷試也靈符紹至天
其以是求命我唐圖象丁寧有所底止其若茲也夫
成數有時而否至理無代而亡固在乎大聖之生乘
運而作鼓天下之動安天下之危故將順成功自古
之啓佑也如彼充定多難自天之叶贊也如此初中
宗韋氏后黨窺隙大盜狃於得志羣慝起而擅權若
綴旒然當此時也天與若不取鬼謀或不協則我祖
宗之業無乃將墜而億兆之命亦猶倒懸聖上蹙之
提劍而起雷霆一奮袂袵以清內難旣衰外虞有謐
推戴太上照臨萬邦實天之爲與人更始系皇統維

乾綱決綻補壞蕩瑕滌穢而乃闕典咸備舊章悉舉
處窮盡達在困必通品物資以再生寰區爲之一變
然後返華僞於朴還澆漓於淳以大道爲原以至仁
爲根動推是心以御於事人見德而興行神享誠而
介福故不在於刑罰不在於禱請大造裁成玄猷允
塞有如陽春播澤觸類皆滋太山起雲無遠不徧雖
昆虫草木與蠻貊要荒樂其所生安其所習在牛羊
而勿踐有干戈而載戢又况於衣冠華夏禮樂家邦
而不刑於斯湏不久於漸漬者也夫然何教非德何
化非經何能事之不舉何醇精之未極周溥洋溢於

穆緝熙至於太和莫不允若體侔天地之大事出皇王之表豈擊蹠曲拳盡禮極力將用彥聖不啻其口所能稱誦於吾君所可殆庶於至德且往者之有開也天感精以降聖聖敬命以奉天此誠有元則欽明文思及茲報本必嚴祇齋栗靈慶以屬之神化以答之與初相明其徵乃著絲綸先兆非篤信歟由是言之統天者人合符者聖而差德序命殊尤卓絕豈多乎哉至如古之興王必有所感五帝更尚五運旁通土者黃中之精於金爲王水者善利之物於土爲配苟膺期而有來必合德而爲表是則然矣天其或者

亦以阜育群化發揮茂祉始告以聖有明徵終成乎
帝之神冊因其立象之本會以相乘之數則載代六
百歷紀千年變而通之胡可量也宗子宗正卿褒信
郡王璆等若干人伯父伯兄仲叔季弟聚族相與詣
闕上言天意昭著固已久矣人事符合亦云至矣而
一德是建太階旣平靈臺靈沼赫赫明明天之爲大
雖莫能名皇王之鎬豈無頌聲上初克讓抑而未許
至於累請乃曰俞哉史臣不敏敢獻頌曰

茫茫元昊載凝載薄在帝庖犧繼天而作浩浩洪水
包山襄陵舜亦命禹夏氏以興龍圖龜書二王是膺